

## हनुमान् चालीसा

दोहा

श्री गुरु चरण सरोज रज निजमन मुकुर सुधारि ।  
वरणौ रघुवर विमलयश जो दायक फलचारि ॥  
बुद्धिहीन तनुजानिकै सुमिरौ पवन कुमार ।  
बल बुद्धि विद्या देहु मोहि हरहु कलेश विकार ॥

ध्यानम्

अतुलित बलधामं स्वर्ण शैलाभ देहम् ।  
दनुज वन कृशानुं ज्ञानिना मग्नगण्यम् ॥  
सकल गुण निधानं वानराणा मधीशम् ।  
रघुपति प्रिय भक्तं वातजातं नमामि ॥

गोष्पदीकृत वाराशिं मशकीकृत राक्षसम् ।  
रामायण महामाला रत्नं वंदे-(अ)निलात्मजम् ॥  
यत्र यत्र रघुनाथ कीर्तनं तत्र तत्र कृतमस्तकांजलिम् ।  
भाष्पवारि परिपूर्णं लोचनं मारुतिं नमत राक्षसांतकम् ॥

मनोजवं मारुत तुल्यवेगम् ।  
जितेंद्रियं बुद्धि मतां वरिष्टम् ॥  
वातात्मजं वानरयूथ मुख्यम् ।  
श्री राम दूतं शिरसा नमामि ॥

चौपाई

जय हनुमान ज्ञान गुण सागर ।  
जय कपीश तिहु लोक उजागर ॥ 1 ॥

रामदूत अतुलित बलधामा ।  
अंजनि पुत्र पवनसुत नामा ॥ 2 ॥

महावीर विक्रम बजरंगी ।  
कुमति निवार सुमति के संगी ॥3 ॥

कंचन वरण विराज सुवेशा ।  
कानन कुंडल कुंचित केशा ॥ 4 ॥

हाथवज्र औ ध्वजा विराजै । [औरु]  
कांथे मूंज जनेवू साजै ॥ 5 ॥

शंकर सुवन केसरी नंदन । [शंकर स्वयं]  
तेज प्रताप महाजग वंदन ॥ 6 ॥

विद्यावान गुणी अति चातुर ।  
राम काज करिवे को आतुर ॥ 7 ॥

प्रभु चरित्र सुनिवे को रसिया ।  
रामलखन सीता मन बसिया ॥ 8 ॥

सूक्ष्म रूपधरि सियहि दिखावा ।  
विकट रूपधरि लंक जलावा ॥ 9 ॥

भीम रूपधरि असुर संहारे ।  
रामचंद्र के काज संवारे ॥ 10 ॥

लाय संजीवन लखन जियाये ।  
श्री रघुवीर हरषि उरलाये ॥ 11 ॥

रघुपति कीन्ही बहुत बडायी (ई) ।  
तुम मम प्रिय भरत सम भायी ॥ 12 ॥

सहस्र वदन तुम्हरो यशगावै ।  
अस कहि श्रीपति कंठ लगावै ॥ 13 ॥

सनकादिक ब्रह्मादि मुनीशा ।  
नारद शारद सहित अहीशा ॥ 14 ॥

यम कुबेर दिगपाल जहां ते ।  
कवि कोविद कहि सके कहां ते ॥ 15 ॥

तुम उपकार सुग्रीवहि कीन्हा ।  
राम मिलाय राजपद दीन्हा ॥ 16 ॥

तुम्हरो मंत्र विभीषण माना ।  
लंकेश्वर भये सब जग जाना ॥ 17 ॥

युग सहस्र योजन पर भानू ।  
लील्यो ताहि मधुर फल जानू ॥ 18 ॥

प्रभु मुद्रिका मेलि मुख माही ।  
जलधि लांघि गये अचरज नाही ॥ 19 ॥

दुर्गम काज जगत के जेते ।  
सुगम अनुग्रह तुम्हरे तेते ॥ 20 ॥

राम दुआरे तुम रखवारे ।  
होत न आज्ञा बिनु पैसारे ॥ 21 ॥

सब सुख लहै तुम्हारी शरणा ।  
तुम रक्षक काहू को डर ना ॥ 22 ॥

आपन तेज सम्हारो आपै ।  
तीनों लोक हांक ते कांपै ॥ 23 ॥

भूत पिशाच निकट नहि आवै ।  
महवीर जब नाम सुनावै ॥ 24 ॥

नासै रोग हरै सब पीरा ।  
जपत निरंतर हनुमत वीरा ॥ 25 ॥

संकट से हनुमान छुडावै ।  
मन क्रम वचन ध्यान जो लावै ॥ 26 ॥

सब पर राम तपस्वी राजा ।  
तिनके काज सकल तुम साजा ॥ 27 ॥

और मनोरथ जो कोयि लावै ।  
तासु अमित जीवन फल पावै ॥ 28 ॥

चारो युग प्रताप तुम्हारा ।  
है प्रसिद्ध जगत उजियारा ॥ 29 ॥

साधु संत के तुम रखवारे ।  
असुर निकंदन राम दुलारे ॥ 30 ॥

अष्टसिद्धि नव निधि के दाता ।  
अस वर दीन्ह जानकी माता ॥ 31 ॥

राम रसायन तुम्हारे पासा ।  
सदा रहो रघुपति के दासा ॥ 32 ॥

तुम्हरे भजन रामको पावै ।  
जन्म जन्म के दुख बिसरावै ॥ 33 ॥

अंत काल रघुपति पुरजायी । [रघुवर]  
जहां जन्म हरिभक्त कहायी ॥ 34 ॥

और देवता चित्त न धरयी ।  
हनुमत सेयि सर्व सुख करयी ॥ 35 ॥

संकट क(ह)टै मिटै सब पीरा ।  
जो सुमिरै हनुमत बल वीरा ॥ 36 ॥

जै जै जै हनुमान गोसायी ।  
कृपा करहु गुरुदेव की नायी ॥ 37 ॥

यह शत वार पाठ कर कोयी । [जो]  
छूटहि बंदि महा सुख होयी ॥ 38 ॥

जो यह पडै हनुमान चालीसा ।  
होय सिद्धि साखी गौरीशा ॥ 39 ॥

तुलसीदास सदा हरि चेरा ।  
कीजै नाथ हृदय मह डेरा ॥ 40 ॥

दोहा

पवन तनय संकट हरण - मंगल मूरति रूप ।  
राम लखन सीता सहित - हृदय बसहु सुरभूप ॥  
सियावर रामचंद्रकी जय । पवनसुत हनुमानकी जय । बोलो भायी सब संतनकी जय ।